

QUÆSTIO MEDICA

QUODLIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 16. Januarij.

M. CLAUDIO GUERIN,

DOCTORE MEDICO, Præside.

An morbis curandis verba & characteres?

I.

MAGIA quintuplex est, Mathematica, Præstigiatrix, Venefica, Goetica, & Theurgica. Mathematica motus & aspirationes siderum spectat, & apotelesmatibus ex certo metallo constatis, & sub aliquo sidere figuratis miram vim infundere promittit; atque etiam automata præstare, qualia columba volatilis Archite, & starna vocalis Mercurij fuisse perhibentur. Præstigiatrix oculis illudit, aeris & objecti alteratione, quomodo certis pulveribus cereis immixtis, canum, asinorum, equorum & aliorum animalium capita hominibus affinguntur: & speculis certo ordine dispositis spectra quædam observari videntur; sic Pasetes lautum convivium exhibebat, quod singulis mensis accumbentibus evanescerebat. Sic Pythagoras in speculo characteres quosdam sanguine notabat, quibus sibi objectis infecta luna cernebatur. Utraque hæc magia honorifica fuit apud Persas, quibus *magus* idem est quod Græcis *σιφίς*. Venefica, calce menses urit, aut illicio quodam iuvenis infectis depopulatur, hydrargyro cavis arborum instillato eas perimit, philtris seu hippomane, & quod à teneri fronte revellitur equi, eroticum furorem quibusdam ut Lucretio Poëtæ, Lucullo, & Caligulæ lethalem parit, menstruo sanguine hominis mentem turbat, felis oggesto eruore quempiam adducit ut se selem arbitratu istud animal æmuletur, exsiccati phalangij pulvere vino infuso aut ejusdem suffitu orchestricam maniam inducit. An veneno assueta puella ab Indorum doloso Rege, Alexandro magno donata, cum visu vel habitu interficere poterat? Gallina rubetis & scorpionibus usa, sturnus & caper eiecuta, neminem sic offendunt: venena triplici coctione alterata alimentorum naturam induunt. Goetica seu Neeromantica certis verbis & characteribus lunam cælo deducere, flumina retro vertere, alio menses irradiare, angues rumpere, animas sepulchris exire, & alia mira edere pollicetur. Theurgica, quibusdam male caballa dicta, vitæ puritate & castimonia homines disponere creditur ut cum numinibus conversentur, & ab iis mira præstandi vim accipiant. Novi cabaliste imperpicuos quosdam elementorum æreales rationales & mortales comminiscuntur, nimirum salamandras ignis, sylphos aeris, nymphas aquæ, gnomos terræ, quorum conjugio casti homines fruuntur, sic ut his immortalitatem impertiant, & ab his luculentissimas dotes mutantur. quidam empusæ & *παιδες* addeunt. Magi mathematici certis characteribus in quodam metallo sub aliquo sidere expressis, Goetici vero & Theurgici certis verbis & precationibus morbos depellere pollicentur. Sed nisi verba & characteres instam agendi vim habeant, ea ad morborum curationem medicus non adhibebit.

MATHEMATICORUM automata quæ Coleodæ seu anima mundi informata se agitant, æque fictitia sunt ac utres armati cum Pulcro congressi. Eorumdem Apotelesmata Arabibus *Talisman* seu *Tsaliman* dicta exhibenda: forsitan astrâ in hæc inferiora nil agunt, nisi quod ignis elementum movendo aerem excalescunt, & majorem vel minorem vaporum copiam à terra suscitant: & si agunt, metallo aliquâ figurâ donato nullam vim peculiarem impertiunt. Homini, cum se Dæmoni dat, Dæmonem apparere, & se pronuntiatis ab homine verbis, vel scriptis characteribus talia præstiturum polliceri sacra scriptura non refert. Magos Pharaonis necromanticos seu verbis & characteribus usus ipsa non notat, sed mira fecisse per incantationes Ægyptiacas, & arcana, quibus verbis non nisi præstigia intelligi possunt, si quidem se Dæmoni dare ut talia præstet, arcantum hoc Ægyptium non est. Pythonissam Samuëlis animam seu spiritum non vi incantationis sed volente Deo excitasse sacri authores testantur. *εωδὲ* admodum ambigua res est. Plures sagæ, lamæ, & striges videntur, quæ minime sunt. Sape menstrualis & jejuna vetula halitu suo fruges arfacit: Jejuni hominis saliva vel scorpionis Ichifera: Laudatione arbores latæ & formosi pueri fascinari creduntur, quæ per se ex optimo statu in pessimum decidunt. Aliquando laudatus puer lætitia liquecit. Nec Græcorum δ *αφαιστος*, Latinorum præfiscine dixerò, aut baccare frontem cingere, adversus blandientis linguæ fascinum profuerit. Interdum squalida & larvalis anus, Triballorum & Illyriorum instar infantem exterrit, aut pestifero miasmate & exitiali *σπίγια* cecat. Si Alexander magnus afflatâ vestibus aurâ suavi & genuina astantes recreabat, quid mirum si vetula tenelulo puerulo quid mortiferum inhalat. Lividos etiam visu fascinat, quia vultuosa & contracta fronte intuentes cor mæstitiâ perstringit, vel quia ex ejus oculis malignus spiritus in alterius oculos vibratur, quomodo ex lippo opthalmiæ feminium, & ex basilico venenum transfunditur. Cur in Apulia corallium infantium collo appenditur: quia id frigide humentisque naturæ, ut febricentis, sic fascinantis, qui sic detegitur, halitu impallecit. Oculis nil iniquius creatum est. Alter Menelai instar venvustæ mulieris aspectu fascinat. Alter Eutclidæ aut Narcissi æmulus sua specie carpitur, votique impos tabescit. Cur pupula duplex fulminat: an quia oculus scintillat & intuentes incendit; vir generosus odio, pudore, formidine, libidinis æstu, expletâ veneris appetentiâ sæpius quam ligaculi incantamento emasculetur. Nemo simulachrum cereum pungendo vel urendo (qua caco-rechnia Duffum fecitorum Regem pene enectum ferunt) holtem devovit. Omni sua incantatione Medææ Jasonem, & Circe Ulißem apud se retinere non valuit. Nero numinibus imperandi cupidus *verruia* seu fraudulentam tandem deservit. Multi maniaci cum Dæmonibus rem habere putant, non secus ac se in canes & lupos conversos arbitrantur. Multi quæ de dæmonum ritu audierunt, noctu videre se autumant, vel etiam dedie, quemadmodum quidam inanes floccos è tapetibus vellunt, & Theophili medici instar tibicines in angulo domus adesse imaginantur. Lamæ quæ unguento hypnotico perunctæ se ad symposia ferri existimant, ne loco quidem migrant, idemque his accidit ac Indis qui sumpto tabaco obdormiscunt, somnoque exciti ridicula effantur. Non semper encregumeni sunt, qui peregrino idiomate quædam verba effutunt. Quidam atrabile peteciti id præstant donec purgati fuerint. Nemo nisi cestaticus cum numinibus conversatur. Imperpicui elementorum accola fictitij sunt: nullum mistum vel *μυστος*, igneum *δοσιγες*. Eos mortales genios existere oracula non probant, quorum plurima ambigua, per tubulos plumbeos in statua oculos, & in subditum pavementum conductos, à versutis hominibus reddita suspicantur. Quæ de concubitu Martis cum Rhea Sylvia matre Romuli & Remi, Jovis cum Olympia matre Alexandri, Ægeriæ nymphæ cum Numa Pompilio, quæ de Deo Socratis, de Cygno naviculæ vectore, de Merlino, Faunis, Saryris, & aliis spectris circumferuntur, æque fabulosa sunt, ac umbra quæ Turno apparuisse à Poëta fingitur.

I I I.

FALLUNTUR qui verbis & chatæcteribus allici dæmones cosque remedia adhibere putant. An eorum pharmaca imperispicienda sunt? An chirurgorum instar pixidem variis unguentis & emplastris repletam gerunt? Missis iis nugis verba & characteres in se perpendenda sunt. Verba vel scripta visum duntaxat afficiunt, vel ore prolata tantum auditum ferunt. Characteres etiam solum in conspectum veniunt. Utraque vel ad quantitatem vel ad figuram pertinent, quæ agendi vi destituuntur, ut pote quibus nihil contrarium est. Agere lapides & stirpes ob figuram, quæ in his in cinerem redactis remanet, veluti mortuo-

[illegible]

SÆP E opera nature verbis & characteribus tribuuntur. Melancholicus morbus dimissis quæ ante in usum veniebant remediis sanescit, non vi periammatum sed nature quæ remedium abstinentiâ recreata his tenuatam materiam eliminat. Ulcus dysleptulorum abjectis unguentis & emplastris cicatricem recipit, non periaptis, sed occurfu frigidi & ventorum, eo plane pacto quo rubida nascentis pueruli cutis epiderma contrahit. Si vulnerati hominis cruore infecto linteo & sympatico pulvere aspersio traumatica pharmaca ilinantur, interimquæ longe distiti ægri vulnus linteo mundo quotidie tergeatur, id ipsum consolidatur quia caro & cicatrix à natura generantur. Solius nature beneficio interna ulcera occalescunt; pulmonis tamen raro, hæcque refricantur facile, ob assimilem spongiis molliudinem & motum assiduum, etiam si non desint Tabiarum Vesuvio monti vicinarum aer siccus, aur furni halitus, saccharum rosaceum, flores sulphuris, melicratum & lac. Pulvere sympatico non magis efficax unguentum magneticum vulgo dictum, de cuius compositione & parandi tempore non constat. Hujus virtutem ab humano sanguine vel ab anima mundi ad ægri longe semori vulnus deferri incredibile; cruoris atomi huc illuc vagantur sine lege; anima mundi nulla est, habent cælum & elementa quæ mundum constituunt suam quæque formam, per quam agunt quæ agere nata sunt. Nec unguentum vulnus sanat quod à se distat: quidquid agit ultra certos terminos vires non exerit. Appage Tralliani medici signacula. Astorum virtus siqua est à metalli figura ficticia illorum figuræ nūtriquam simili non abducitur; sed qualiscunque est talis intra actionis suæ limites diffunditur: nec ab ipsa sibi non contraria mutatur penes se, nec penes effectum quem edit aerem varie movendo, quia forsitan non reflectitur nec aerem movet; deinde si qua fluat à sideribus vis reflecti apta, aliorum viribus infirmata ut molliter vibratur, sic languide repercutitur, solumque obvium corpus ferit. Nihil barbarum istud vocabulum *Abracadabra*, ad hemitritæum; nihil græcæ litteræ Π & Α charta inscriptæ, colloque appendæ, ad lippitudinem; nihil ridiculum hoc scriptum appensum *Strigiles falcæque dentata*, aut vocabulum istud *Anasages*, ter repetitum ad odontalgiam; nihil hæc verba *Danata*, *Daries*, *Dardaries*, *Astaries* ad exarthrosim. Nihil hæc *Sista*, *Pissa*, *Rissa*, *Xissa*, ad ischiadicum dolorem; nihil *Och Och*, ad fugandos pulices; nihil *Bud* ad inhibendos scorpionis ictus; nihil tria pervulgata carmina ad Epilepsiam conferunt. Nec quidquam aliis morbis, alij innumeri characteres ignorabiles prosunt. Carmine Ulissi ab Autolici filiis sanguinem suppressum fuisse dormitanti Homero fingere licuit; unde curatio verbis fieri credita, homerica dicitur seu poetica & fabulosa. Forsan Ulissi sanguinem cohibuit harmonia inducto somno, qui excretiones omnes sistit præter sudorem: forsân ipse ob nigritiem à poetâ descriptam seu ob crassitiem, vel ob *ἔκκων* ut in Seneca sectis venis decretam à Nerone mortem obituro, per se desistit. Epode ambigua res est, verba infæ activa non sunt, efficacem recuperandæ sanitatis opinionem, fatuis tantum, & in pauculis dumtaxat morbis, non sine superstitione movent, ab hisque fieri credit imperitum vulgus quæ sponte nature eveniunt.

Non ergo morbis curandis verba & characteres.

DOMINI DOCTORES DISPUTATURI.

M. Claudius Biendissant.	M. Claudius Guerin.	M. Franciscus Landrien.
M. Dominicus Farcy.	M. Paulus Mattot.	M. Ioannes Antonius Bourgand.
M. Henricus Mabien.	M. Carolus le Long.	M. Germanus Hurens.

Proponebat Lutetiæ ARMANDUS JOANNES DE MAUVILLAIN, Parisinus. A. R. S. H. 1676.

PARISIIS,
Apud FRANCISCUM MUGUET, Regis & Illustrissimi
Archiepiscopi Parisiensis Typographum.